



## **Xeem ntawv MCA thiab MTAS thaum lub sij hawm muaj tus kab mob COVID-19 Kis Thoob Plaws**

Qhov tseem ceeb ntawm lub tuam tsev saib xyuas kev kawm ntawv hauv lub xeev Minnesota (Minnesota Department of Education (MDE)) yog los tiv thaiv kev noj qab haus huv thiab kev puas phais nyab xeeb ntawm cov tub ntxhais kawm ntawv thiab cov fwb qhia ntawv. Ib lub tsev kawm ntawv hauv paus loj (district) thiab cov tsev kawm ntawv charter schools yeej tau tsim ib co kev ceev faj txog kev noj qab haus huv thiab kev puas phais thaum muab cov xeem ntawv ntawm no rau cov tub ntxhais kawm ntawv xeem, raws li cov ntaub ntawv qhia thiab muab los ntawm lub tuam tsev saib kev kawm ntawv hauv lub xeev MDE thiab lub tuam tsev saib xyuas kev noj qab haus huv hauv lub xeev Minnesota Department of Health (MDH)).

### **Tus Xeem MCA thiab MTAS yog dabtsi?**

Tus xeem ntawv hu ua Minnesota Comprehensive Assessment (MCA) thiab Minnesota Test of Academic Skills (MTAS) yog xeem nyeem ntawv, xeem lej, thiab xeem faim vib thab nyas xaj es yog xeem raws li tsoom fwv hauv lub teb chaws Meskas thiab hauv lub xeev kom yuav tsum tau xeem raws li tau teev tseg. Cov xeem no qhia kom paub thiab luij xyuas seb kawm ntawv tau zoo npaum cas rau qhov kev teeb tseg ntawm Minnesota Academic Standards.

Feem ntau cov tub ntxhais kawm ntawv xeem tus MCA, tabsis cov tub ntxhais kawm ntawv es tau txais kev kawm ntawv tshwj xeeb (special education) thiab cov es tsim nyog xeem tus MTAS kuj yuav xeem tus MTAS xwb.

### **Thaum twg cov tub ntxhais kawm ntawv thiaj li xeem tau MCA thiab MTAS ntawm xyoo kawm ntawv 2020-21?**

Hais txog xeem Nyeem Ntawv thiab xeem Lej ntawm MCA, thiab xeem Nyeem Ntawv, Lej, thiab Xeem Vib Thab Nyas Xaj ntawm MTAS, cov tub ntxhais kawm ntawv yeej xeem tau cov xeem no hauv nruab nrab ntawm lub Peb Hlis Ntuj hnub tim 8 thiab lub Tsib Hlis Ntuj hnub tim 21. Qhov xeem rau Vib Thab Nyas Xaj ntawm MCA, cov tub ntxhais kawm ntawv yeej xeem tau cov xeem no hauv nruab nrab ntawm lub Peb Hlis Ntuj hnub tim 8 thiab lub Tsib Hlis Ntuj hnub tim 21.

### **Yuav xeem li cas rau tus xeem MCA thiab MTAS?**

Ob tug xeem MCA thiab MTAS yuav tsum tau xeem pem tsev kawm ntawv, txawm tias koj tus menuam kawm ntawv tom tsev. Cov tsev kawm ntawv yuav tsum tau ua raws nraim thiab soj ntsuam kom muaj kev noj qab

haus huv thiab kev puaj phais txhua lub sij hawm thaum cov tub ntxhais kawm ntawv nyob hauv tsev kawm ntawv. Lub tuam tsev MDE, nrog rau lub tuam tsev MDH, kuj tau muab cov kev cob qhia tsi ntsees txog kev muab cov xeem no rau cov tub ntxhais kawm ntawv xeem, ntxiv nrog rau qhov tias yuav so kom cov xeem no kom lawv hu si es yog so li cas, yuav ua cas thiaj li sib nrug tau deb, thiab muaj kev thauj mus los thiab muaj mov rau noj yog tias yuav tsum tau muaj.

Feem ntawv cov tub ntxhais kawm ntawv xeem tus MCA no hauv online, tabsis tej co tub ntxhais kawm ntawv kuj tsim nyog tau qhov kev xeem es yog siv ntawv thiab xaum. Ntawv tus xeem MTAS, cov xib fwb muab tus xeem no rau ib tug menuam zuj zus thiab ib tauj ib es yog siv ntawv thiab xaum xeem.

## **Hom kev soj ntsuam xyuas twg kom thiaj li muaj kev noj qab haus huv thiab kev puaj phais pem tsev kawm ntawv?**

Cov tsev kawm ntawv es qhia ntawv tim ntsej tim muag pem tsev kawm ntawv los yog cov es siv qhov hybrid learning yeej ua raws li cov kev cob qhia es tau teeb tseg rau hauv daim ntawv npaj cov tswv yim kev kawm ntawv kom nyab xeeb rau xyoo kawm ntawv 2020-21 es yog tsim los ntawm lub tuam tsev MDE thiab MDH ([Safe Learning Plan for the 2020-21 School Year](#)). Txhua tus neeg nyob hauv tsev kawm ntawv yuav tsum tau looj daim ntaub npog ntsej muag thiab nyob sib nrug kom deb. Cov tsev kawm ntawv yuav tsum kom lawv so thiab siv cov ntaub muaj tshuaj cawv cuaj caum los so cov chaw kom hu si. Cov khoom siv los xeem ntawv yuav tsum tau muab so kom huv si tom qab ib tug neeg siv tag. Tsev kawm ntawv kuj tswj kom tsis txhob muaj cov neeg sab nraud nkag los hauv lub tsev kawm ntawv kom tsawg thiab soj ntsuam tus yam ntxwv mob ntawm tus kab mob COVID-19 no rau cov tub ntxhais kawm ntawv thiab cov xib fwb. Ib tug neeg twg yog tias nws muaj tus yam ntxwv mob ntawm tus kab mob COVID-19 yuav tsis pub nws nkag los rau hauv lub tsev kawm ntawv.

Yog tias ib lub tsev kawm ntawv es ho qhia ntawm tom vaj tom tsev (distance learning), lawv yuav tsum tau ua raws li cov kev cob qhia kom muaj kev puaj phais thaum lub sij hawm muab cov ntawv no rau cov menuam xeem.

## **Yuav ua cas yog tias kuv muaj kev txhawj xeeb txog kev noj qab haus huv thiab kev puas phias txog kuv tus tub ntxhais kawm ntawv los yog tsev neeg thiab kuv tsis xav kom lawv mus hauv tsev kawm ntawv mus xeem ntawv?**

Koj lub tsev kawm ntawv yeej qhia tau rau koj kom zoo dua txog qhov lawv tswj kev noj qab haus huv thiab kev puaj phais kom cov tub ntxhais kawm ntawv thiab cov xib fwb kom ceev tau qhov kev noj qab haus huv thiab kev puaj phais thaum lub sij hawm muab ntawv rau cov tub ntxhais kawm ntawv xeem.

Yog tias koj tus tub ntxhais kawm ntawv kawm tom tsev (distance learning) thiab koj tsis xav coj nws mus hauv tsev kawm ntawv es mus xeem ntawv vim yog koj txhawj txog kev noj qab haus huv thiab kev puaj phais ntsig txog tus kab mob COVID-19, koj yeej xaiv tau qhov es tsis cia koj tus menuam xeem tus MCA los yog tus MTAS.

Yeej tsis muaj kev rau txim rau koj tus menuam los yog rau koj tsev neeg yog tias lawv tsis xeem ob tug xeem no. Yog tias koj tsis xav kom koj tus menuam xeem, ces koj qhia rau koj lub tsev kawm ntawv paub.

## **Yuav ua li cas kuv thiaj li paub ntau tshaj nov ntxiv?**

Tiv tauj koj lub tsev kawm ntawv kom paub ntau dua ntawm cov txheej txheem txog kev noj qab haus huv thiab kev nyab xeeb puaj phais thaum lub caij xeem ntawv thoob plaws hauv lub xeev, thiab seb cov qhab nes es xeem tag no yuav siv li cas los pab txhawb koj tus menuam txoj kev kawm ntawv.

Daim ntawv qhia tseeb rau cov [Niam Txiv txog tus xeem MCA thiab MTAS](#) yeej muaj nyob rau ntawm MDE lub vas sab (hauv qab Students and Families > Programs and Initiatives > Statewide Testing) es yog muaj ntau hom lus. Thov sau email rau [mde.testing@state.mn.us](mailto:mde.testing@state.mn.us) yog tias koj muaj lus nug txog tus xeem MCA los yog MTAS.